

## TE HEHEURAA API

I neia i te piha neneiraa na te Ekalesia a Iesu Mesia i te Feia  
Mo'a i te Mau Mahana Hopea Nei i Papeete, Tahiti,  
i te mau fenua Sotaiete, i te mau avae atoa.  
Te hoo e piti farane i te matahiti hoê.

Nu. 6.

Tiunu 1929.

Mat. 23.

*Aita a te Fatu ra a Iehova e peu i rave, maori ra ia faa-  
ite i ta'na parau i moe i ta'na ra mau tavini i te mau pero-  
pheta. (Amosa 3:7)*

### Te Faaroo no te Feia Mo'a Mau.

Ua iritihia teie nei parau na roto mai i te buka: "Te Hiro'a Faaroo"  
tei papaihia e Tamate Aposetolo; Faaauhia ei reo Tahiti e Elita.

**HIRO'A FAAROO 9.** *Te faaroo nei matou i te mau  
parau i heheuhia mai e te Atua i mutaa ihora, e te mau pa-  
rau ta'na e heheu mai i teie nei, e te faaroo nei hoi matou e,  
e riro â Oia i te heheu mai i te hoê atu â mau parau maitai e  
te faufaa rahi i to'na ra basileia.*

(Tuatihia teie nei parau.)

**UIRAA 4.** Ia vai â anei te heheuraa e tia'i?

**P.** Oia mau ia, no te mea ua horoahia te heheuraa i  
mutaa ihora e te na ô mai nei te parau papai e, "Hoê â hoi  
o Iesu Mesia huru, i nanahi, i teie nei mahana, e a muri  
noa'tu." (Hepera 13:8)

**Parau Tauturu:** Mai te tau no Adamu mai â e tae  
noa'tu i te tau no Ioane ua papai-noa-hia te mau parau moá  
ei aratai no te Feia Moá atoa, aita râ te reira i navai i te hoé

taime e ua amui faahou mai te tahi; ahiri ua navai te papai-  
raa o Mose ra, aita iho á te Atua i faaue i te mau peropheta  
mai reira mai â ia papai i te mea ta ratou i ite.

Te vai ra na huru heheuraa e piti, oia hoi, te heheuraa e  
au no te mau taata'toa i te mau tau atoa, mai na ture hoé  
ahuru a Mose ra, e te vai atura te huru heheuraa e au no  
te hoé i te hoé taime, mai te heheuraa ta Noa i farii no te  
pahi, e mai Aberahama atoa i farii no te faasutiarāa i ta'na  
ra tamaiti.

Ua riro te mau haapaoraa êê i nia iho i te ao nei ei haa-  
papuraa i te faufaa no te heheuraa, no te mea ua huru ê to te  
tahi iritiraa i te parau papai i to te tahi, e ahiri ua faaûrû-noa-  
hia ratou na roto i te heheuraa ia hoé â ia ta ratou irititraa  
e tia'i,

Mai te mea ra e haapao ore te mau taata atoa e mea tia  
ia i te Atua ia tapea i te heheuraa no te mea, aita e taata au  
no te reira, e aita oia e ora i roto i te taata viivii. E tia i râ  
Oia i te taime e maitai ai te taata ei reira e horoahia'i te he-  
heuraa ei aratai no'na i te faatiarāa i Ta'na ra Ekalesia.

Ua maitihia te mau taata toroa na roto i te heheuraa, e  
no reira ahiri ua ore te reira, ua ore atoa te feia toroa e aita  
to ratou e mana faahou no te maitiraa i te tahi e i te hopea  
ua ore roa ia te baseleia o te Atua i nia iho i te fenua nei.  
A hió i te Luka 1:13-18; Ioane 15; Ohipa 1:12-26, no te  
maitiraa i te feia toroa na roto i te heheuraa.

Uiraa 5. Ua patoihia anei te heheuraa i roto i te Bibilia?

P. Aita roa, maori râ, ua rave te tahi mau taata i vetahi  
mau irava e na roto i to te taata iho manaó ua faarirohia taua  
mau irava ra ei patoiraa, area râ ia iteahia te huru mau no  
taua mau irava nei aita roa te reira e patoi i te heheuraa.

*Parau Tauturu:* Tei roto i te Apokalupo 22:18-19 te  
tahi no taua mau irava ra, e ua hape roa te manaó e, no te  
Bibilia atoa te reira parau no te mea i taua taime ra aita te  
Bibilia i amuihia i roto i te Buka hoé mai ta tatou e ite nei e  
aita atoa Ioane i manaó e, te hopea ta'na buka o te mau buka

e amuihia'i. Aita atoa te reira parau e faaite mai e, e ere e tia i te Atua ia amui mai i te parau Ta'na i hinaaro, e ua ite tatou na roto i te mau peropheta iho, tei maitihia ei vaha no te Atua, te reira mau hinaaro i te faaitehia mai: e no reira eiaha e manaó e, te patoi mai nei taua na irava i te heheuraa.

Ua papaihia te tahi atoa irava tei manaóhia ei patoiraa no te heheuraa i roto i te Zekaria 13:2-4; area râ te na ô maira te reira parau e, ia tae taua mahana ra e ore roa ia te idolo e te varua faufau e ua papu ia tatou e; te vai noa ra tana na mea ra i nia iho i te fenua i teie nei mau mahana e no reira ua papu ia tatou aita ê â taua mahana ra i tae mai.

Uiraa 6. Te vai nei anei te horoa no te heheuraa i roto i te Ekalesia a Iesu Mesia i teie mau mahana hopea nei?

P. Oia mau ia, e te vai nei te hoé buka no te heheuraa e au no teie mau mahana e ua parauhia taua buka ra i te *Buka Fafau*. Te vai atura te mau heheuraa ta te tahi mau taata i ite no tatou iho o te ore i papaihia i roto i taua buka nei.

*Parau Tauturu:* "Aore e parau e faaitehia mai e taiata te taata i reira," (Maseli 29:18) O te hoé parau faaite-hia na i te taata, e aita atu e ravea e faaitehia'i te parau maori râ na roto i te heheuraa. Ua amuihia râ te mau haapaoraa e rave rahi i te faaiteraa mai e, ua hope te heheuraa. Ua na reira atoa te mau taata i te tau no Iesu no te mea ua parau mai ra ratou e, aita anei Mose e aratai mai ia matou? E na roto i te reira ua faarue ratou i te heheuraa apî ta Iesu i faaite mai.

Aita roa te parau papai e patoi nei i te heheuraa, ua faatia râ te Bibilia i te reira. Ua ite Ioane i te faahoíraa mai o te Evanelia na roto i te hoé melahi: "Hió atura vau i te hoé melahi i te maueraa na ropu i te reva nei: ma te evanelia e tia i te vairaa ra ei pororaa'tu i te feia e parahi i te ao nei ra, i te mau fenua atoa, e te mau opu atoa, e te

mau reo atoa, e te mau nunaa atoa,” (Apokalupo 14:6) E te faaite faahou mai ra oia e: “Ite atura vau i te hoé reó no te raí mai â, i te na óraa mai e, A haere ê mai na outou i rapae, e au mau taata e, ia ore outou ia riro ei rave atoa i ta’na ra mau hara, ia ore outou ia pohe atoa i to’na ra mau pohe.” (Apokalupo 18:4) E na te reira e faaite mai i te tahi na mea e rave rahi i te tau hopea te tupu e tei faaitehia maira na roto i te heheuraa.

Te vai atura te mau parau no te heheuraa i roto i te Buka a Moromona: “E faatae hoi te Fatu ra o te Atua i te parau o te hoé buka ia outou, o te parau ia a te feia i taoto ra. E inaha, e piahia taua buka ra: tei roto hoi i taua buka ra te mau parau heua no o mai i te Atua ra, mai te haamataraa mai â o teie nei ao e tae noa’tu i te hopea ra.” (II Nephi 27: 6-7) A hió atoa i roto i te II Nephi 3:7; III Nephi 25: 5-6.

Eiaha roa e patoi i te heheuraa ia ore outou ia riro ei feia patoi i te ohipa a te Atua. “Atae hoi oia o te parau atu e, I farii mai matou i te parau a te Atua, e aore e parau â te Atua toe tei ore i itehia e matou ra, ua navai hoi te reira ra ia matou.” (II Nephi 28:29)

## Te Ravea e Pure ai.

*“Na roto ia Oe matou e tae i te Atua,*

*Te ora, e te parau mau, e te ea!*

*Te ea pure ta Oe i taahi*

*E te Fatu, haapii mai ia matou i te pure.”*

Ua na reira te Rohipehe i te papai, i to tatou mau mahana nei, i to’na haamanaóraa’tu e, i te aniraa a to Iesu mau pipi, a na ô mai ai ratou e, “E te Fatu, a haapii mai ia matou i te pure, mai ta Ioane i haapii atoa i ta’na ra mau pipi.”

E ua parau maira Iesu, te Mesia e, “E na o outou ia pure, E to matou Metua i te ao ra, ia raa to Oe i’oa. Ia tae

to Oe ra Basileia. Ia haapaohia to Oe hinaaro i te fenua nei mai tei te raí atoa na. Ho mai i te maa e au ia matou i te mau mahana atoa nei. E faaore mai i ta matou hara, te faaore nei hoi matou i tei hara atoa ia matou nei. Eiaha e faarue ia matou e ia roohia-noa-hia mai e te ati; e faaora râ ia matou i te ino." (Luka 11:2-4)

Ua pure pinepine Iesu, e ua ite oia e, tei te Atua, to'na Metua, te mana ia horoa mai i te maitai atoa e au ai. Ua anihia oia e te hoé o ta'na ra na pipi, ia haapii ia ratou i te pure. Ua pure Iesu. Ua faaite mai oia i taua pure ra ei aratai na ratou, ia pure. Aita oia i parau mai e, ia pure outou, a faahiti na i teie nei pure, ua faariro râ oia i te reira pure ei hohoá e ei aratai, e ei haapiiraa na to te ao nei.

I roto i taua pure nei, a taió-maitai-hia'i e tatou, ua itehia na vahi faufaa rahi e pae, tei haapiihia maira.

1. Ei pure poto.
2. Ei pure afaro, oia hoi, mai te taata e tae atu i te Atua.
3. Ei pure faaroo no roto i te aau.
4. Ei pure aroha, aita i titauhia te maitai no'na iho.
5. Ei pure o tei faaite papu i te tiaturi mau i to te Atua mana e to'na aroha.

Aita Iesu i pure mai to te ati Iuda, o te haere i roto i te hielo, e tei tia noa i mua i te tiaa taata, mai te pure no to ratou iho maitai. Noa'tu e, i uruhia te mau pure o te Ati Iuda i te Varua, te vai ra te huru parau i roto i to ratou mau pure o tei tuuhia'tu, no te mea ua ite ratou e, ei feia maitihia ratou no te raveraa i te hoé tufaa rahi i nia i te ao nei.

Ua pure atura Iesu i te pure no to te ao atoa nei. Ua haapii maira oia i te ravea e pure ai, ia faufaahia te feia atoa i te reira. E mai te mea e, te tiaturi nei tatou i te Mesia no te ora, ia rave tatou i ta'na i haapii mai ei aratai, e haapao ihora. I roto i to'na pure ua haapii mai oia i na vahi faufaa rahi e pae no te Pure, e ua faaitehia taua na mea ra i nia nei. Ia pee tatou ia'na e tia'i, e ua haapii maira oia i te ravea e pure ai.

— Papaihia e Toma

## E Parau Aroha

**E** HOMA, te mau taeae e te mau tuahine no te Ekaelsia nei, e tae noa'tu i to tatou mau hoa i te mau fenua moana nei, Ia ora na tatou i te aroha mau o to tatou Fatu.

Ua tae mai matou o Matarita e na tamarii e too toru. Na nia matou i te pahi Tahiti i te tere mai ai.

Ua haapono mai to tatou Peropheta i to'na aroha ia outou e ta'na faaitoitioraa ia outou i te ohipa o te Basileia. E te afai atoa nei matou i te parau aroha na te mau orometua tahito ra, o tei faaite papu ia outou e, te vai noa ia to ratou haamanaóraa ia outou e to ratou aroha hoi.


Ua mauruuru roa vau ia farerei faahou tatou i roto i te ohipa a te Atua. E te faaite atu nei au ia outou, te haere nei te ohipa a te Ekalesia i mua i te mau vahi atoa i te ao. Te tonohia nei te mau orometua i te mau vahi atoa i roto i te ao nei, i te parauraa e, "E haamaitai outou i te eá o te Fatu, e faatitiaifaro i to'na haereraa." E no reira, e tia ia tatou ia farii i taua mau parau ra, no te mea, te reira ia to tatou ora muri ore.

Te vai nei te mahana e farerei tatou i to outou mau fenua, no te mea, te hinaaro nei au ia tae atu i te mau fenua Tuamotu. Te tiature nei au i te Atua ia faaite oia ia'u i te mau mea atoa e ravehia e au i teie pae o te ao nei. E te ani atu nei au ia outou ia tauturu mai i te raveraa i te ohipa maitatai ia haere roa te ohipa a te Atua i mua i teie mau fenua moana nei.

E no reira a faaitoito i teie nei ohipa a te Atua i te mau mahana hopea.

A haamanaó tatou i te hoé parau i papaihia i roto ia Galatia 6: 7-8 o te na o mai e "Eiaha e vare, e ore te Atua e noaa i te haavare, o ta te taata e ueue ra o ta'na a'ia e ooti mai. O te ueue i ta to'na ihora tino, o te pohe ta'na e noaa i te tino ra; e o te ueue i ta te Varua ra, o te ora muri ore ta'na e noaa i te varua ra." Amene.

*Papaihia e Gihoti Borobiti.*



kaelsia  
moana  
o toru.  
oha ia  
sileia.  
metua  
ratou  
roto i  
haere  
te ao.  
roto i  
á o te  
tia ia  
ia to  
mau  
fenua  
i i te  
E te  
hipa  
mau  
mau  
o ia  
Atua  
ia e  
a'na  
e ora

PARAU AROHA NO TE MAU OROMETUA I UTAHA  
NEI I TE FEIA MO'A E HOPE ROA'E  
I TE MAU FENUA MOANA RA

Roto Miti, I te 6 no Eparera, 1929.

O matou hoi i tairuru mai i to matou putuputuraa orometua nei, te faaite atu nei matou ia outou, na roto i teie parau iti e, te vai noa nei â te haamana'óraa e te aroha i roto i to matou mau aau no to matou mau hoa i te mau Fenua Moana ra. Ua tupu hoi te oaoa e te mauruuru rahi i teie nei po, a himene ai matou i te mau himene Tahiti; a paraparau ai matou no nia i to matou mau haerea i rotopu ia outou na, e a faahitihia'i te mau i'oa tei matau ia matou nei.

Ia ora na outou i te here mau o te Fatu, e te hamani-maitai a te Atua i te pae tino e te pae varua atoa hoi. Faa-itoito â tatou i te rave i te ohipa a te Evanelia a te Mesia tei horoahia mai no to tatou ana'e maitai. Eiaha ia moe tatou te tahi i te tahi, ia vai â râ to tatou arofa e a muri atu.

To outou mau hoa orometua i Utaha nei, mai tei papaihia to matou mau i'oa i raro nei,

Ore Petesona  
Aneta Petesona  
Tihoni Tanona  
Ioane Orotona  
Iese Hesalopa  
Eraneta Rositera  
Etera Hata  
Elita  
Anatarea Tetamana  
Eravana  
Mate Furumare  
Leroi Marai  
Tamati Poropiti  
Matara

Tiulia Petesona  
Vero Petesona  
Toma Vutupere  
Hepera Tefera  
Veneta Rositera  
Betty Rositera  
Alonoto Semita  
Melavina Tarona  
Henere  
Farani Fulumare  
Viliamu  
Leone Tenara  
Maratini

E f  
Moá i  
e te 6  
a haer  
outou

Ua f  
te poh  
fâraa i  
to'na k  
tei roto  
pono o  
na heb  
oia, e  
mata a  
patete

I t  
na taat  
Iuropa  
nainai,  
no teie  
ua tupu  
no reira  
itehia r  
las''. T  
Amerik  
te poia

## Paraua Faaite

E faaterehia te amuiraa a te Ekalesia a Iesu Mesia i te Feia Moá i te Mau Mahana Hopea nei o te pae moana nei, i te 5 e te 6 no Atopa i Takaroa e i Hao. To te mau fenua i nia a haere iho â outou i Hao. To te mau fenua i raro ra a haere outou i Takaroa.

## Te Mau Parau Apî

Ua fatata roa to tatou hoa faatere pahi reva, o Lindbergh, i te pohe i te hoé Mahana a tahuri ai to'na pahi reva i to'na fâraa i te fenua, i muriho i te hoé tere arearea, pihaiho i to'na hoa o tei faaauhia e faaipoipo ia'na. O raua anaé hoi tei roto i taua pahi reva ra i taua taime ra. Ua pêpê te taponono o Lindy, e aita i nehenehe ia'na ia rave i te ohipa no na hebedoma e piti i muriho. I teie nei ra ua maitai faahou oia, e te faateretere noa nei oia i to'na pahi reva. Te haamata atoa nei oia i te hoé Sosaiete no te afairaa i te mau horopatete mai te fenua Mexico i te fenua Amerika.

I te mahana 8 na Febuare i teie matahiti nei, ua tamata na taata tootoru i te tere na nia i te moana ra, mai te fenua Iuropa e tae noa'tu i te fenua Amerika i nia i te hoé poti nainai, e 20 avae ia to'na roa. E taata ruau ia te raatira no teie poti, e e 70 to'na matahiti, area ra, noa'tu i te reira, ua tupu to'na hinaaro i te tere noa na nia i te moana ra, e no reira'i to ratou tereraa'tu. I te mahana 18 no Mati ua itehia ratou e te hoé pahi parauhia "Te Marques de Comillas". Te tere ra taua pahi ra mai te fenua Paniora i te fenua Amerika. Ua fatata te mau taata i nia i te poti i te pohe no te poia e no te pape ore, e no reira, ua ravehia ratou e to

ratou poti atoa hoi e te mau taata i nia i te pahi rahi ra. Ua horoahia'tura te maa no ratou e ua haapaohia te mau mea atoa o tei hinaarohia e ratou ra.

O teie te tahi ohipa ta te pahi reva i rave. I te hoé tufaa fenua i Africa, parauhia o Rhodesia, ua rave te tahi mau taata i te pahi reva ia imi i te mau vairaa no te mau metalo, mai te auro, e te veo, e te ario te huru. Teie fenua o Rhodesia, e fenua oviri ia, e aita te mau taata i te huru no taua fenua ra, no te mea, aita iho ā e purumu to reira. No reira, ua maue te pahi reva i nia ae i teie fenua, e ua nenei haere te mau taata i roto i te pahi reva i te mau vahi atoa no teie tufaa fenua. I reira, ua rave te mau taata i te mau hohoa, e ua taa ia ratou te mau vahi vairaa o te mau metalo i hinaarohia e ratou ra. I teie nei, te rave nei ratou i te mau faufaa metalo no taua fenua ra. Ua riro teie ohipa ta te pahi reva i rave ei ohipa manuia roa.

I roto i teie tau, ua tupu te hoé tama'i i te fenua parauhia o Mexico. I roto i taua tama'i ra, te tama'i nei te mau taata orurehau i te hau Mexico. E i roto i taua fenua ra te vai nei te hoé amaa Ekalesia a Iesu Mesia i te Feia Moá i Mau Mahana Hopea nei. Ua fariihia te hoé lata e te Peretitine o te Ekalesia i te oire Roto Miti, o tei papaihia e te peretitine o taua amaa ekalesia ra i Mexico. E ua na o mai te papairaa e, "Ua tae mai te mau taata orurehau i roto i teie tufaa fenua, area ra, aita ratou i faatupu i te hoé pea-pea, maori ra, ua faauehia e pae ahuru taata faahoro pereoo uira i te afai atu i te faehau orurehau mai na oire, o Sonora e o Chihuahua, e tae noa'tu i te pae apatoa o taua vahi ra, ia nehenehe no te faehau orurehau ia farerei i te faehau no te hau Mexico."

I t  
to'na  
mai t  
oia h  
ratou  
hoi ua  
mai t  
Ua na  
teie o  
mau t  
te ma  
atoa l  
i teie  
ua ne  
I te m  
haa.  
oia i f  
e, e ta  
fariira  
mau t  
varav  
ia rat  
na'na  
te me  
te reir  
  
E  
Alexa  
ia'na  
69 ma  
o to'na  
o H. C  
i te ho  
pereoo  
mau u

I te fenua Amerika Apatoa te vai ra te hoé taata o Rondon to'na i'oa, te haere noa nei oia i rotopu i te mau taata oviri mai te tamaí ore ia ratou ra. Te tumu no to'na haereraa, oia hoi, no te haapiiraa i te huru o taua mau taata nei, e to ratou reó, e ta ratou mau peu i te oraraa nei. E teie atoa hoi ua maitihia oia no te taniuniuraa i te hoé niuniu paraparau mai te oire Rio de Janeiro e tae noa'tu i te oire ra i Manaos. Ua na ô mai ai teie taata e, "Aita i nehenehe ia'u ia rave i teie ohipa maori ra, ua nehenehe ia'u ia haere i rotopu i te mau taata Inidia mai te hau." No reira, ua haaputuputuhia te mau ahū tahito e rave rahi, e te tahi mau mea nehenehe atoa hoi, no te taparuraa i te mau taata Inidia, ia nehenehe i teie taata ia faatia i te hau i rotopu ia ratou ra. E reira, ua nehenehe ia'na ia rave i ta'na ohipa mai te peapea ore. I te matamua aita te mau taata Inidia i farii i ta'na mau taihaa. Ua haere noa ra oia, e aita oia i tamaí ia ratou, e aita oia i faatupu i te hoé peapea. I muriho, ua ite te mau taata e, e taata huru ê teie, i reira to ratou haereraa mai, e ta ratou fariiraa i ta'na taihaa, haere i hora ratou e faaite atura i te tahi mau taata i te huru o taua taata maitai ra. I muriho e mea varavara te mau taima ta'na i farerei i te peapea i rotopu ia ratou, e i teie nei, te rave nei te tahi mau Inidia i te ohipa na'na mai te heruraa i te mau apoo no te pou niuniu. Mai te mea e vai noa ra te hau i reira, eita e maoro e faaotihia te reira ohipa.

E 25 matahiti i mairi ai nei, ua faatere te hoé taata o Alexander Winton to'na i'oa, i te hoé pereoo uira. Ua riro ia'na te rê no te ao atoa nei, a faatere ai oia i to'na pereoo e 69 maile i te hora, e ua maere roa te mau taata i te vitiviti o to'na pereoo. I teie nei ra, ua faahoro te hoé taata Baratane o H. O. D. Seagrave i to'na pereoo o Tea Auro, e 231 maile i te hora hoé. Ua hau roa'tu teie pereoo i te tere i te mau pereoo atoa i te ao nei. Eaha ra te huru o te mau pereoo i te mau ui á muri atu?

I te oire o Tokio i te fenua Iapone, ua tupu te hoé ati maí. E maí hota teie maí e te pohe nei te mau taata no taua oire ra maí te huru e 35 i te mahana hoé.

Ua tomo te mau fare no te oire Elba, Alabama i te fenua Amerika ra, i roto i te pape. No te ua rahi, e no te taheraa o te hiona hoi, ua haono te anavai o Chattahoochee ra, no reira i tomo ai taua oire ra. Ua pauma te hoé pae o te mau taata i nia i te mau fare teitei, e ua faea ai ratou e tae noa'tu i te taime i faaorahia'i ratou. E te tahi pae no ratou ra, ua pauma ratou i te mau tumu raau ra e ua tiaí noa ra ratou no te tauturu. E ua horo atu te tahi pae no ratou i te tahi vahi ê. Aita i rahi te mau taata i pohe ra, area ra, e mea teiaha roa te mau faufaa tei pau, e e mea rahi te mau fare i parari i taua ati ra. Ua vaiihohia te mau taata ma te fare ore, e no reira, e rave rahi ratou o tei roohia i te maí ra, e i teie nei, na te hau e tauturu ia ratou ra i ta ratou ati.

Ua itehia te hoé vairaa auro i te fena râ i Austria i roto i te hoé apoo pape. Te heru ra te mau taata i roto i taua apoo pape nei, maí te feruri ore i te imiraa faufaa. Ua hió ra te hoé i te repo i afaihia i rapae, e ua itehia te auro i roto. Ua manaóhia e te mau taata paari e, ua hunahia te reira faufaa e 1,600 matahiti i mairi ae nei e te mau taata tahito no Roma. Te afai ra te mau faehau i te faufaa i Roma, e ua roohia ratou e te enemi, tupu ihora te tamaí, e no to ratou mataú e, e riro ta ratou faufaa i te enemi, ua hunahia te reira i roto i te repo. I muriho ra, ua pohe te faehau Roma i to ratou mau enemi, e no reira ua vaiiho-noa-hia te faufaa i roto i te repo maí reira maí â e tae noa'tu i teie nei mau mahana.

---

Alma G. Burton Imprimeur,  
Pue Brea et de la rue Dumont d'Urville, Orovini, Papeete